

Leikskólinn Birkilundur



Ársáætlun
veturinn 2009-2010

Efni bæklingisins:	bls
Velkomin í Birkilund, opnunartími, netfang	2
Starfsfólk	2
Foreldrafundur	3
Foreldraviðtöl	3
Starfið á Kvistalandi	4
Íþróttahús	5
Tónlist	5
Skógurinn	5
Starfið á Könglalandi	5
Furuhópur - elsti árgangur leikskólans	7
Gaman-saman	8
Skipulags- og námskeiðsdagar	8
Dagskipulag	9

Velkomin í Birkilund

Opnunartími 7:45-16:00

sími 4538215

netfang: birkilundur@skagafjordur.is

heimasíða: www.skagafjordur.is - heimasíður stofnana

Starfsfólk veturinn 2009-2010

Leikskólastjóri: Steinunn Arnljótsdóttir vinnur alla jafnan frá kl 8-16, en sumir dagar eru þó lengri og aðrir styttri eftir því sem verkefni og aðstæður gera kröfu til.

Sérkennslustjóri: Guðbjörg Sigfúsdóttir vinnur frá 8:15-14 alla daga. Hún heldur utan um sérkennsluna og sinnir henni að hluta. Þar sem mörg sérkennslu- og stuðningsbörn eru á Könglalandi í vetur mun hún mikið verða á þeirri deild.

Kennarar á Könglalandi:

Linda Björnsdóttir er deildarstjóri. Hennar vinnutími er frá kl 8 til 16 alla daga. Hún er með undirbúningstíma á þriðjud. kl 10:25-13:00 og frá kl 13:30-15:50 á föstud., en á deildarstjórafundum á þriðjudögum kl 14:20-16:00.

Sonja Mannhardt, grunnskólakennari, er frá 8:10-16:10 á mánud., þriðjud. og miðvikud. en 8-16 á fimmtud. Hún er með undirbúningstíma á þriðjud. frá kl 8:10-10:10 og á föstudögum frá 14-16.

Drífa Árnadóttir vinnur frá 7:45-15:45 á mánudögum og miðvikudögum en frá 8-16 á þriðjudögum.

Hanna Björg Hauksdóttir vinnur frá 8-14 alla daga.

Helga Árnadóttir vinnur frá 8:10-16:10 á fimmtud. og föstud.

Bogdís Hermannsdóttir er á Könglalandi á þriðjudögum frá 8-16 og á föstudögum frá 8-14.

Kennarar á Kvistalandi:

Sigríður M. Helgadóttir er deildarstjóri. Hún vinnur frá 8-16 alla daga. Hún er með undirbúningstíma á miðvikud. kl 12-16 og föstud. frá 14-16 og á deildarstjórafundum á þriðjudögum kl 14:20-16:00. Sigríður er staðgengill leikskólastjóra.

Selma Guðjónsdóttir mætir kl 7:40 alla daga. Hún er til 16 alla daga nema á föstudögum hættir hún kl 14:20.

Laufey Jakobsdóttir er frá 8-14 alla daga nema þriðjudaga þá er hún til 16.

Bogdís Hermannsdóttir er á Kvistalandi á miðvikudögum frá 12-16 og á föstudögum frá 14-16.

Matráður: Jóna Gísladóttir vinnur frá 9-15 alla daga nema föstudaga. Á föstudögum leysir Sonja Mannhardt hana af.

Ræsting: Sigurlaug Markúsdóttir

Sérfræðingar hjá Fjölskyldusviði Skagafjarðar:

Dóra Heiða Halldórsdóttir þroskaþjálfari.

Inga Huld Þórðardóttir talmeinafræðingur

Ingvar Guðnason sálfræðingur

Selma Barðdal uppeldis- og sálfræðiráðgjafi.

Þessir aðilar koma af og til í leikskólann þegar við leitum til þeirra en ekki er unnið með einstök börn nema að fyrir liggir undirskrift foreldra á beiðni um sérfræðiaðstoð.

Foreldrafundur

Almennur foreldrafundur verður þriðjud. 13. okt. kl 20:30. Selma Barðdal kynnir vinaverkefni og farið verður yfir helstu atriði í vetrarstarfi leikskólans. Einnig verður aðalfundur foreldrafélagsins: kynnt ný stjórn og rætt um um verkefni og starf. Kaffi og meðlæti í boði foreldrafélagsins.

Foreldraviðtöl foreldra við deildarstjóra munu fara fram á

tímabilinu frá janúar fram í apríl.

Starfið á Kvistalandi

Á Kvistalandi eru 16 börn í vistun, 10 drengir og 6 stúlkur. Fjögur börn eru fædd 2006, sex börn 2007 og sex börn 2008. Hópastarf:

Á hverjum morgni milli kl. 9 og 10 skiptum við barnahópnum þannig að árgangur 2006 er í hóp sem við köllum Bláahóp, árgangur 2007 er í Grænahóp og árgangur 2008 er í Rauðahóp. Hópastarfið byrjar alltaf á að börnin eru boðin velkomin í hópastarfið og endar á að það er þakkað fyrir hópastarfið. Við byrjum hópastarfið á því að hver hópur fer á sitt svæði þar sem boðið er upp á mismunandi verkefni allt eftir aldri og getu barnanna. Í hverri viku er unnið með ákveðið viðfangsefni þar sem börnin fá útrás fyrir sköpunargleði sína t.d. mála, vatnslita, klippa, líma og fl. Öll börnin fá tækifæri til að taka þátt í þeirri vinnu. Bláihópur fer í Furuland og skóginn á þriðjudögum og blái- og grænihópur fara saman í íþróttahúsið á miðvikudögum. Allir hópar fara í könnunarleik einu sinni í viku. Í könnunarleik felst að börnin eru í litlum hópum að skoða, handfjatla og kanna hluti s.s. dósir, eggjabakka, plastflöskur, tappa, lykla, keðjur og ýmislegt fleira. Börnin eru af eigin hvötum að kanna hlutina og gera tilraunir á þeim. Hlutverk starfsmanna er að vera til taks og fylgjast með án afskipta og gefa börnunum tækifæri til að uppgötva sjálf. Börnin fá því gott svigrúm til að njóta sín í leiknum í hópastarfinu. Við erum daglega með samverustundir þar sem við syngjum lesum sögur og spjöllum saman.

Útivera er stór hluti af daglega starfinu, hreyfing og útivera eru samtengdir þættir.

Við leggjum áherslu á leikinn, þar sem hvert barn fær notið sín á sínum forsendum.

Í Aðalnámskrá leikskóla stendur: „*Frjáls og sjálfspröttinn*

leikur er hið eðlilega tjáningaform barns. Í bernsku felur leikur í sér nám. Af leik sprettur ný þekking, nýjar tilfinningar, nýjar athafnir og leikni. Í leik tjáir barn tilfinningar sínar og fær útrás fyrir þær. Sköpunarþörf og hugmyndaflug birtist í leikjum þess."

Í leik gefst barni kostur á að efla alhliða þroska sem felst m.a. í líkams- og hreyfingþroska, tilfinningarþroska, vitsmunaprofna, málþroska, félagsþroska og félagsvitund, fagurþroska og sköpunarhæfni, siðgæðisþroska og siðgætisvitund.

Íþróttahús

Priðjudagar kl 10 - Lerkiþópur
 Miðvikudagar kl 10 - Blái og græni hópur
 Föstudagar kl 10 - Furuþópur

Tónlist

Haustið 2007 fengum við til liðs við okkur þær Kristínu Höllu Bergsdóttur og Jóhönnu Marín Óskarsdóttur tónlistarkennara til að vera með tónlistarstundir með börnunum á Könglalandi. Í vetur verður Jóhanna með yngri börnin á mánudögum kl 10 en Kristín Halla með eldri börnin á þriðjudögum kl 9:30. Kristín Halla kemur eitthvað á yngri deildina líka og þá á föstudögum.

Skógurinn

Við höfum leikaðstöðu í skóginum við hliðina á leikskólagarðinum. Þar eru kaðlar og net til að klifra í og greinakofi sem hægt er að brasa í.

Starfið á Könglalandi.

Hópastarf

Á Könglalandi eru 19 börn í vistun, 12 drengir og 7 stúlkur. 9 börn eru fædd árið 2004 og 10 börn árið 2005.

Hópastarf er 2-4 sinnum í viku, klukkustund í senn. Hópastarf fer þannig fram að það hefur alltaf upphaf (t.d lag sungið,

þjóða velkominn), síðan fer fram viðfangsefnið/verkefnið sem hópurinn ætlar að fást við og að lokum endir (hópurinn þakkar fyrir samveruna).

Markmiðið með hópastarfi er að læra að vinna í hóp, skiptast á skoðunum meðal jafningja og finna til samkenndar. Í hópastarfi fer fram markviss kennsla í gegnum leik. Sömu kennarar fylgja sama hópnum allan veturinn.

Börn fædd árið 2004 eru í Furuhóp, þau fara í:

Könglaland á mánudögum, málörvun og stig af stigi.

Könglaland á þriðjudögum, myndsköpun og tónlist.

Könglaland á miðvikudögum, skólaverkefni og málörvun.

Furuland á fimmtudögum tölva og skógurinn.

Íþróttahús á föstudögum.

Börn fædd árið 2005 eru í Lerkihóp, þau fara í:

Furuland á mánudögum; tónlist, myndsköpun og tölva.

Íþróttahús á þriðjudögum.

Furuland á miðvikudögum; málörvun, tölva og skógurinn.

Könglaland á fimmtudögum; myndsköpun, frjáls leikur.

Könglaland á föstudögum; frjáls leikur.

Í vetur vinna börnin í hópatímum að:

- **Myndsköpun**, þar sem markmiðið er að barnið fái útrás fyrir sköpunarþörf sína, þroski með sér einbeitingu og efla samhæfingu handa og augna. Barnið endurspeglar oft í myndverkum sínum þá reynslu sem það hefur upplifað, þær tilfinningar sem bærast með því og það sem því er hugleikið.
- **Tónlist**, þar sem markmiðið er að barnið þroski með sér næmi fyrir hljóðum, hreyfingu og hrynjanda í gegn um söng, hlustun (tónverk, hljóðaspil, ofl), hreyfingu (dans ofl.), hljóðgjafa og hljóðfæri.
- **Málörvun**, þar sem markmiðið er að efla markvisst

hljóðkerfisvitund barnanna og búa þau þannig undir lestrarnám. Við notum bókina Markvissa málörvun ofl. og vinnum með þulur, rím, klappa atkvæði, spil, leiki, lestur og ritun.

- **Hreyfingu**, þar sem markmiðið er að barnið fái útrás fyrir hreyfipörf sína og að auka/efla líkamlegt úthald. Til þess notum við leiki, íþróttahús og nánasta umhverfi til að fara í gönguferðir.
- **Félagsfærni**, þar sem unnið er með **Stig af stigi**.

Furuhópur – elsti árgangur leikskólans

Markmiðið með vinnunni í Furuhóp er að bjóða elstu börnunum upp á fjölbreytt og þroskandi verkefni sem stuðla að sjálfstæði og sjálfspekkingu þeirra og efla með þeim vináttu og samkennd. Leitast verður við að rækta tjáningar og sköpunarmátt barnanna til að styrkja sjálfsmynd þeirra, öryggi og getu til að leysa mál sín á friðsamlegan hátt. Að börnin þjálfist í að vinna saman og sýna öðrum tillitssemi og umburðarlyndi. Stuðla að því að börnin öðlist færni sem talin er nauðsynleg þegar leikskóla líkur og grunnskólinn tekur við.

Öll vinnan í Furuhóp er miðuð við að komið sé til móts við mikla fróðleiksfýsn og aukna getu elstu barnanna, með því að gefa þeim kost á erfiðari viðfangsefnum, sem krefjast meiri einbeitingar og úthalds. Þetta eru ýmis leikskólaverkefni sem byggja á starfsaðferðum og hugmyndafræði leikskóla.

Á hverju hausti er lagt fyrir elstu börn leikskólans próf í leikjaformi, til að kanna hljóðkerfisvitund þeirra. Í þessum leikjum eru börnin að ríma, búa til ný orð og leika sér með orð og hljóð á margan hátt. Þessi leikur að orðum og hljóðum er undanfari lestrarnáms. Hæfnin eða þroskinn til að geta slíkt kallast hljóðkerfisvitund. Prófið gefur vísbendingar um hvaða börn eru líkleg til að eiga síðar í erfiðleikum með lestrarnám. Tilgangurinn með því að nota þetta próf er að finna þessi börn

og þjálfar hljóðkerfisvitund þeirra.

Í Furuhóp er unnið á margvíslegan hátt að þjálfun hljóðkerfisvitundar. Notuð eru verkefni og leikir úr bókunum: Markviss málörvun, Leggðu við hlustir, Ljáðu mér eyra og Tölum saman.

Vettvangsferðir. Farið verður í vettvangsferðir í nágrenni leikskólans, t.d. í Varmahlíðarskóla, upp á Reykjarhólinn, inn í skóginn og fl. Í maí verður farið í heimsókn á byggðasafnið í Glaumbæ. Starfinu í Furuhóp líkur formlega með útskrift 19. maí.

Gaman-saman

Samstarfsverkefni Birkilundar og Varmahlíðarskóla

Haustið 2007 fóru Birkilundur og Varmahlíðarskóli af stað með tilraunaverkefni. Markmiðið með því er að auka gagnkvæm samskipti á milli skólanna, m.a. til þess að auðvelda börnunum flutning á milli skólastiga og efla félags- og tilfinningaþroska. Elstu börn leikskólans fara í heimsóknir í mismunandi stofur og með ýmsum bekkjum í Varmahlíðarskóla og börn úr Varmahlíðarskóla koma í heimsókn í Birkilund.

Skipulags- og námskeiðsdagar - leikskólinn lokaður

Mánudagur 17. ágúst	Starfsdagur
Föstudagur 25. september	Haustþing
Fimmtudagur 18. febrúar	Námskeiðsdagur
Þriðjudagur 6. apríl	Starfsdagur

Dagskipulag á Könglalandi

07:45 leikskólinn opnar, val
08:15 morgunmatur/val
08:45 val á Könglalandi og í Furulandi
10:00 ávaxtatími
10:15 hópastarf
11:30 söngur - samverustund
12:00 hádegismatur
12:30 lestur - útivera
13:00 útivera
14:30 rólegir leikir
15:00 síðdegisdrykkur
15:30 frjáls leikur
16:00 leikskólinn lokar

Dagskipulag á Kvistalandi

07:45 leikskólinn opnar, leikur
08:30 morgunmatur
09:00 hópastarf
10:00 ávaxtatími
10:30 útivera
11:30 börnin koma inn, þvottur og bleiuskipti
11:45 hádegismatur
12:10 hvíld/samverustund
13:00 útivera/leikur inni
15:00 síðdegisdrykkur/leikur/samvera
16:00 leikskólinn lokar